

चोकोट्ना कबूर

मोदोडा पुस्तक



चोकोटना कबूर

मोदोडा पुस्तक

इद मुंने वाचि कीम्ट	2
१ तप्सि सोत्ता गोरे	3
२ येसु चुडुक-पेकुर कुन आसीर्वाद सिख्वल	5
३ गरीब बायिना चनदा	8
४ येसु दहा लोकरुकुन चोकोट कीतोर	10
५ रेनड रोहकु	13
६ येसु येत पोरो ताक्मड	15
७ बुद्धि सेल्ले धन मंवल मयूनन	17
८ येसु वडि दूनदडुन हुकुम्त तोडो आपुसीतोर	21

इद मुंने वाचि कीम्ट

इद पुस्तकम नगा येसुना कता मनता,
वोर तोडोसा कीतंग आश्चर्या कामकु उनडे
वोर वेहता भोदनाल कुन वेहचेर मनता।

इंके मरट इस्रायेलु इनजेर
केय्वल देश्नागा येसु मत्तोर।

हक्के मंवलिर मानदितु रोप्पो वेल्ले लोकर
यूदुल्क मत्तेर अद देश्नागा
मुख्या राजधानि इत्तेके येरूसलेमु।

अद चहर्त रोप्पो यूदुल्क पूजा किय्वल
मनदिर मनता इद कता सम्दि पुस्तक नगा लेहिकीसि मनता।
उनदि, उनदि कता पूरो वाचि कीम्ट,
इद पुस्तक नगा मंवलिक सम्दि कतंग वाचि कीम्ट।

येसुना कता उनडे दुस्रो कतंग वाचि
कियाना इत्तेके दुस्रो पुस्तक नगा सूडटु।

१ तप्सि सोत्ता गोरे



उनदि वकुत येसु इद कता वेहतोरा।
वोरोर मयूनन नूर गोरेंग मत्तंग,
अवेक नगटल उनदि गोरे दिस्मकी।

अस्के वोर बतल कीतोर, गुट्टत
बाजुक मेय्वलिक गोरेन सम्दिन हाने सुट्टिकीसि,
तप्सि सोत्ता गोरेतुन महकूले सोडितोरा।



वोर तप्सि सोत्ता गोर्रेतुन पुटुस्ता पज्जा
बय कुसि आतोर वोन्गा मत्तंग उनदि कम्मि नूर,
गोर्रेन लासि मंवल कुसितुन अदिक इद
तप्सि सोत्ता गोर्रेतुन पुटुसि सीतेके
वोर बचिलेय कुसि आतोर।
इत्तेके सम्मि गोर्रेनल अदिक
उनदि गोर्रेत लासि कुसि आतोर।

अस्के येसु, मीवा हाबर तगा मंवल बाबा,
भगवनतल गिर हान मनतोर,
सम्मिदर लोकर कुन रक्षना सियाना इनजेर,
वोना मनतगा मनता इनजेर वोना विचार मनता।

२ येसु चुडुक-पेकुर कुन आसीर्वाद सिखल



उनदि दिवोस कहि जेनिक बायिक येसु
तंवंग पेकुर कुन तलतगा केय
इरना इनजेर ऊर्कु आसीर्वाद सियाना,
इनजेर आसमत्ता अदेन लासि
ऊर्कुन येसुन करुम पिचिस वातंग।



बत्ति येसु नेर सेक्क्यलिर अदेन लासि,
मेक्क, कानडिर कुन पिथिस वाता बायिन,
वेरु सीतेर।



अदेन लासि येसु हीन इत्तोर?

चुडुक कानडिर कुन,

बतय इंवल सेल्ले,

ऊर्कुन नहगा वाया सीनटु,

चुडुक पेकुर दाता।

बोरे भगवनतन करुम वानतोरेय,

वोर भगवनतन, तंवोर राजल इनजेर,

माने मनतेरा।

अस्के येसु चुडुक पेकुर

कुन तलतगा तंवंग केयूकुन

इर्सि आसीर्वाद सीतोर।

३ गरीब बायिना चनदा



उनदि जोका येसु मनदिर्त रोप्पो

चनदा वाट्वल डब्बत करुम उत्तोर।

कहि प्रजा कोत्तंग चनदा डब्बतगा वाट्नेके वोरु,

ऊर्कुन सूडसिसेर मत्तोर। वेल्ले मानदि

धंवनतलिर वेल्लेने कोत्तंग अद डब्बतगा वाट्तेर।

ऊर संग्गा उनदि गरीब बायि गिर वासि


मत्ता।

अद बायि नेहार सोनजि, रेनड चुडुक

कोत्तंग अद डब्बतगा सुट्टि कीता।

इद सम्दि सूड्तेके अदु बायि वाट्ता

चनदाता किमत दहा कोत्तन जास्ति किमत मंनो।



येसु तंवेर सेव्क्यलिर कुन करुम केय्सि,
ऊर संग्गा हीन इत्तोर। मेयूसि मनतेर
ऊर सम्दिर कुन जास्ति इद गरीब वेयिलो वाट्ता चनदा,
भगवनतनगा वेल्ले कीमत्ता इनजेर, माने मत्तोर।
ऊर सम्दिर धंवनतलिर तंवगटल,
ऊर्कुन काम सियो अद धन्तुन वाट्तेर।
बत्ति इद गरीब बायि तंवा कामुन लासि,
इर्तंग अवेकुन, तान्गा मत्तंग सम्दिन वाट्ता।

४ येसु दहा लोकरुकुन चोकोट कीतोर



येसु उनदि नाटे सोंनेके पेसा
बेमरि ते (कुष्ट) मत्तेर,
वोन्कु मुनेत्क मुक्कबिल्लि वातेर।
वोरु ऊर्क लक्के निलसि,
ओ! येसु! बोदा वेह्वल बाबा!
माकुन माया कीमु इनजेर ऊर हाका सीतेर।
येसु ऊर्कुन सूडसि ऊर्सडा हीन इत्तोर।
मीकुन चोकोट परीक्षा कियन साटि,
कटोडलिर्कुन तोहले सोनटा।
ऊर कटोडलिर्गा सोंनेके, नडुम
सरि तगने ऊर सम्दिर चोकोट आतेर।



ऊर तसों मंवल, वोर वोना बेमारि,
चोकोट आय्वल सूडसि,
पज्जा मलसि विच्चेर वातोर।
भगवनतना चेर्ना कीसेर हाका सीतोर।
वोर येसुनंग काल्कनगा अर्सि,
वोनंग काल केरनतोर।
वोर समरया नाट करुम
मंवल आनदूर।



येसु तंवा करुम मंवलिर संग्गा दहा!

लोकुर चोकोट आतेर।

सिल्ले बत्ति, वेर समरमुडु वोरोर,

पज्जा, मलसि वासि, भगवनतन चर्ना कीतोर।

मैतेर, ऊर बेके? इनजेर पूसि कीतोर।

तान पज्जा येसु वोन संग्गा हीन इत्तोर,

निम्मे ना पोर्रो बरोसा इर्ति

अदेन साटि निम्मे चोकोट आती!

निम्मे तेचिकुन सोडिया।

५ रेनड रोहकु




येसु हीन इत्तोर, नावा बोदा केंचिकुन अवेकुन मानेमासि,
मनदगा इर्सि ताक्कल हर मयूनल
गुट्टता पोरो तंवा रोन दोह्तोर।
बुद्धि वालेन दात मनतोर।
पिर वाता, लव्निंग पोंग्सि,
मेट्टन कुन अदिक येर वासि मुडुनता,
वडिवासि अदु रोट जोर्ते पाता, बत्ति अद रोन अर्मकि,
बारि इत्तेके अद बुनादि बनडत पोरो वाट्सि मनता।



नावा बोदा केंचि अवेकुन माने माय्वक
मंवल हर मयूनल रेतित पोरो तंवा रोन दोहतोरा।
वोन बुद्धि सेल्ले मयूनन दात मनतोरा।
पिर वाता, लव्निंग पोंगिस, मेट्टंग, बूडे मासि,
वडि अद रोत पोरो जोर्ते पाता, अस्के अद रोन,
बूड अर्ता! सम्दि रोन दिडाना आता।

६ येसु येत पोरो ताकूमड




उनदि दिवोस नुल्पे, येसु नेर सिस्वलिर,
गलिलया तडयित हनदा काक मत्तेरा।
कपेर्ने होमु इंवल नाटे सौले,
उनदि चुडूर रूकतगा उदतेर सिकाटि आता।
बत्ति येसु ऊर्कुन अजुक बेटि आयमकी।
वडि जोर्ते वासेर मत्ता, तडितगा
येर पोंगुसेर वासेर मत्ता,
सिस्वलिर रूकतुन ताकु सीसेर सिय्युंग,
सारुंग, कोसुकु लक सौनेके येसु दिस्तोरा।



वोर येत पोरो ताक्सेर रूकत करुम वासेर मत्तोर।
वोनेर सिस्यलिर अद सूडसिकुन बय वेरितेर।
अस्के येसु! नन्नये, वेरिमटु। नन्ना!
मीवोर भगवनतना आनदुन इनजेर इत्तोर।
वेय्नेने ऊर वोन तंवा रूकतगा वरु सीतेर।
पेज्जेटल, अस्केन रूकतुन डड्डिते वोतेर।
ऊर सोड्डिवल जागतगा सम्दिर येवूतेर।

७ बुद्धि सेल्ले धन मंवल मयूनन



उनदि जोका कहि जन्क येसुन सिर्मुट आतेरा।
ऊर सम्दिर रोप्पो वोरोर हीन इत्तोर,
"बोददारा, मा वोर बाबल जर्सि
जाय-जतुन कमायि कीसि इर्सि कुन सातोर।
अदेन्गटल, नावा ईसा नाकुन सीमु
इनजेर मावोर दादन संग्गा वेहा।"
अदेन कर्ता येसु वोनु तोडो हीन इत्तोर।
नीकुन वाय्वल जाय जत बच्चे
निर्नयि किय्वल हक नाकुन सेल्ले,
मी इव्वीर रोप्पो जाय्जतुन तूसि
सीय्ले नाकुन बोरे अदिकार सिय्मकि।

अस्के येसु प्रजात संग्ा सम्दिर तोडो हीन इत्तोर।
धन जाय्जतुन लासि डगूर आसा इरूमट,
वोरोर वेल्ले धनवनतल मनदा वच्चो बत्ति,
अदु वोन्कु। भगवनतना, आसीर्वाद मंनो!
वोन पोर्रो मंनोये अस्के येसु वोरोर
धन मंवल मयूनन कता ऊर्कुन वेहतोर।
अद धन मंवल मयूनना पोलमु
तगा अद साल वेल्ले वनजिना पनटा पनइता।



वोर धनवनतल हीन सोंच कीतोर,
 नहगा मनता पूरो पनटतुन इर्ले जागा येव्सेर सेल्ले,
 नन्ना बतल कियाना? यो! नन्ना!
 बतल कियवल अद इंके नाकुन करेमाता।
 इंके मनतंग, अव गोदम्स कुन अरु सीसिकुन,
 उनदि डगूर गोदम दोहनतोना। अस्के नहगा मनता,
 पनटतुन नहगा मनता दुस्रोना सामान्कून गिर इरवच्चो।



अस्के वोर तंवा मनुषुतगा
 उनडे, हीन सोंचि कीसेर मनतोर,
 "नन्ना वेल्ले किस्मत वाले मयूनना आनदुन
 नाकुन वेल्लेन साल्कुन येव्वना इनजेर कमायि कीतोन,
 नन्ना तिनजिकुन, उनजिकुन, कुसिते नन्ना मनदनतोना।



बत्ति भगवनतल, वोन तसो हिन इत्तोर।
रेय! नीकुन बुद्धि सेल्ले, पागल
मयूना नेनड नर्कानिम्मे सानती!
अस्के निम्मे निलासि महक सी इर्ता
अव सम्दि निम्मे तिन्कीकि बतल?
निम्मे बोगेमानतिकि बतल बोगे मायुवी!
बोगे मायोर।
येसु इद कता वेहचेर हिन इत्तोर। निस्तो,
तंवंग लासि ये, पैसा महक सी
इर्वलिर अद धनवनतन दात मनदनतेर।
भगवनतना, मुंने वोर किस्मत नोर आयोर।

८ येसु वडि दूनदडुन हुकुमूत तोडो आपुसीतोर



उनदि दिवोस गलिलया तडयितुन पार कीसि,
सोंले येसु तनवा सिस्यलिर तोडो, रूका तेर्ग तोरा।
अस्के अच्चनक डगूर वडि तेत्ता, वडिते,
येर पोंगूसेर मत्ता, अदेन लासि रूकतगा सप्पा येर वाता,
इद सम्दि आसेर मंनेक गिर येसु जोप्रे मत्तोर।
अस्के सिस्यलिर वोन तेहिच, हीन इत्तेर।
भगवनता! मोम्मोट येत रोप्पो
सोनजेर मनतोम माकुन बच्चि कीमा।



येसु ऊर तसो, मिरटु बारि वेरियनतिटू?
ना पोरो बरोसा सेल्ले? इनजेर इत्तोर।
वोर तेच्चि दमकि सीसि वेहनेके वडि, नेहार आता।
येर पोंगुवल नेहार आता! अनि तुफान दब्बे मत्ता!
सिस्यलिरु अदु सूडसिकुन कुसिते मत्तेर।
अस्के वोर, वडि सम्दुर गिर, वोन्कु दब्बे मत्ता!
वोर बातोर मयूनल इनजेर, वोरोन
वोरोर वेहचेर मत्तेर।

Good News For You

New Reader Portion – Book 1

Southern Gondi (Telugu)

90A 1608/2007/5M

ISBN A40 GONT 047 (Vol 1)

ISBN A90 GONT 035 (Set)

Published by:

The Bible Society of India

206 Mahatma Gandhi Road

Bangalore – 560 001